



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IGREYIDI 12

ISINDEBELE ILIMI LOKUTHOMA LOKWENGEZA (FAL)

IPHEPHA LOKUTHOMA (P1)

NOVEMBA 2017

IMEMORANDAMU

IMITLOMELO: 80

Imemorandamu le inamakhasi ali-9.

ISIGABA A: UKUFUNDA NOKUZWISISA

UMBUZO 1

Ukutshwaywa kwesifundo sokuzwisia

- Ngebanga lokobana umnqopho omkhulu ukuzwisia, amagama angakapeledwa kuhle neemphoso zelimi eempendulweni azingajezisa ngaphandle kobana mhlamunye iimphoso ezenziweko zitjhugululanofana zilahlekisa umqondo/ukuzwisiseka kwependulo. (limphoswezo kufanele zitjengiswe/zivezwe).
- Nangabe umfundi usebenzise amagama avela kamanye amalimi angasi ngewelimi ahlolwa ngalo, ungawatjheji/eqisele amehlo amagama lawo, nangabe amagama lawo anemba ipendulo, ungajezisi. Kodwana nangabe etheksthini kusetjenziswe igama elivela kwelinye ilimi begodu lifanele libe yipendulo, lamukelekile.
- Imibuzo evulekileko efuna iimpendulo ezifuna **u-iye**nofana **awa**, **ngiyavuma**nofana **ngiyaphika**, **liqiniso**nofana **mbono**, **liqiniso**nofana **akusilo iqiniso**, **kulungile**nofana **akukalungi**, **mbono**omuhlenofana **akusimbono**omuhle, **sisenzo esihle**nofana **sisenzo esimbi**azinikelwa umtlomelo kodwana ktlonyeliswa ukusekela kwaphela (**IMITLOMELO YOKE NGEYOKUSEKELA**).
- Nangabe kulindeleke ipendulo yegama elilodwa kodwana umfundi unikele umutjho woke, mtlomelise nangabe igama eliyipendulo enembako ulithalele/uligwale ngepeni enombala ohlukileko (highlighted).
- Nangabe kufuneka amaphuzu amabili/amathathu kodwana umfundi unikele amanengi, kwaphela tshwaya wokuthoma amabili/amathathu.
- Yamukela ukuhlukana kwelimi lesiphande (isiNzunza nesiNala).
- Emibuzweni la kakhethwa khona ipendulo enembako, yamukela KOKUBILI iledere elikhambisana nependulo ekungiyo NOFANA ipendulo etlolwe ngokuzeleko.

- 1.1 1.1.1 Umraro omkhulu inarha eqalene nawo bulelesi. (1)
- 1.1.2 ISewula Afrika ithandwa khulu ngombana ineendawo ezihle zokuvakatjha ezidosa iimvakatjhi zangaphetjheya. (1)
- 1.1.3 UMasipala wenza amaphaliswano kezemidlalo kanye neminyanya yokuzithabisa. (2)
- 1.1.4 - UmNyango wezokuPhepha nokuVikeleka ukhuthaza ukuhlonywa kwehlangano ye*Community Policing Forum*.
 - Ukusetjenziswa kweenomboro zomrhala ezitholakala ebusuku nemini ukubika ubugebengu./Amapholisa aneemfundobandulo azithula ngeenkolweni.
 - Emakhoneni weenthabathabeni zeentolo kutholakala amapholisa.
 - Eenthalabathabeni zeentolo kufakwe amakhamera.
 (Zimbili iimpendulo kezingehla.) (2)
- 1.1.5 - Ukugqekezelwa emzini yabantu abavakatjhileko kubangelwa kukobana umndeni ukhamba woke unga tjhiyi umuntu ozokusala nendlu.
 - Umndeni uzibeka ku-*Profile Picture* kutlolwe nomlayezo otjhoko bona bakuphi./abantu bathumelana imilayezo etjhoko bona umndeni ukhambe woke.
 (Zimbili iimpendulo kezingehla.) (2)
- 1.1.6 Unobangela wokobana amalunga we*Community Policing Forum* aba malunga womphakathi namapholisa kukobana ubugebengu benzeka emphakathini begodu amalunga womphakathi ngiwo kanengi azibonako izehlakalwezi nazenzekako begodu kesinye isikhathi uthola bona bayazazi iingebengwezo kanti nepahla eyetjiweko leyo ithengiselwa umphakathi, ngalokho bangakwazi ukubikela amapholisa ngombana wona awunalungelo lokuzithathela umthetho ube sezandleni zavo.
 (Enye nenyenipendulo enembako izakwamukelwa.) (2)
- 1.1.7 Umuntu angazivikela ngokuthi asithe./Afihle imininingwanakhe lokha nakakhupha imali emtjhinini./Ngokujamel eduze khulu nomtjhini ukuze ongemva kwakhe angakghoni ukubona imali ekhutjhwako nenomboro eyifihlo ekukhutjhwa ngayo imali./Ngokuthi nawuqedu ukukhupha imali uyifake ngesikhwanyeni usese busithela.
 (Enye nenyenipendulo enembako izakwamukelwa.) (2)
- 1.1.8 D/Koke okungehla. (2)
- 1.1.9 Ukugetjengwa imali nepahla kungcono ngombana ungakwazi ukusebenza uthenge enye ipahlanofana usebenze bese uthole enye imali kodwana umuntu okhukhuthisiweko angeze wakghona ukumjamiselela ngomunye ngombana umuntu akathengwa njenepahla.
 (Enye nenyenipendulo enembako izakwamukelwa.) (2)

- 1.1.10 MBONO, izinga lokutlhorisa kwabomma nabentwana alehli nalokha kubanjwa amajima wokubavikela ngombana uthola bona ngawo wona amalanga lawo nangemva kwejimelo kuba khona abomma nabentwana abatlhoriswako.
(Enye nenyenipendulo enembako izakwamukelwa.) (2)
- 1.1.11 KUYASIZA, ngombana ukuba khona kwamapholisa kuphazamisa ihlelo leengebengu lokwelelesa begodu ziyatjhida eendleleni zibe nokusaba.
- AKUSIZI ngombana abantu babanjwa ikunzi phambi kwamapholisa ngebanga lokobana iingebengu zihlomile bese amapholisa asabe ukulahlekelwa maphilwawo.
(Enye nenyenipendulo enembako izakwamukelwa.) (2)
- 1.1.12 Abentazana bakhamba babodwa ebusuku./Bazibandakanya emathandweni nabantu abangabaziko./Bacocisana nabantu abangabaziko ngeensetjenziswa zokuthintana./Barhamula ngokweqileko.
(Enye nenyenipendulo enembako izakwamukelwa.) (2)
- 1.1.13 Ngingabayelelisa bona banganikeli abantu abakhulumna nabo emtatweni nanyana abangabaziko imininingwana yabo efana nenomboro kamazisinofana inomboro ye-akhawundi nanyana inomboro eyifihlo yokukhupha imali.
(Enye nenyenipendulo enembako izakwamukelwa.) (2)
- 1.2 1.2.1 Liphephandaba. (1)
- 1.2.2 Abentwanaba baqala imiphumela yabo yegreyidi lesumi nambili ephephandaben. (1)
- 1.2.3 Abentwanaba bathatjiswe kukobana babona/bathole amagamabo ephepheni okutjho bona baphumelele eemfundweni zabo zokuphela komnyaka. (2)
- 1.2.4 Into eyenzeka esithombenesi ingaba nomthelela omumbi nange omunye wabentwanaba angafumana bona alikho igama lakhe ephephandabeneli. Umntwana loyo angaba negandeleteko lomkhumbulo agcine ngokukhupha umphefumulwakhe.
(Enye nenyenipendulo enembako izakwamukelwa.) (2)

IMITLOMELO YESIGABA A: **30**

ISIGABA B: UKURHUNYEZA**UMBUZO 2**

Ukurhunyeza okumayelana neendlela zokwakha ukuzithemba emntwini.

TJHEJA: Imdzubhulo esekholomini yokuthoma yenzelwe ukukhumbuza abatshwayako ngemitjho edzujulwe bunqopha etheksthini.

	UMDZUBHULO OSETHEKSTHINI		IPHUZU ELIQAKATHEKILEKO
A	'Kuqakathekile bona uhlahlube iindlela eziimbadlwana ufumane ezilungele wena. Ekwaheni ukuzithemba kubona ubuhle kunokubona ubumbi kuwe.'	1	Bona okuhle kunokubona okumbi kuwe.
B	'Tlola irhelo lezinto ozithanda khulu ngawe nanyana zizincani.'	2	Tlola irhelo lezinto ozithandako.
C	'Lisa ukuzitshwenya ngokuthi abanyeabantu bacabangani.'	3	Bethela mthalazini okucatjangwa ngabanyeabantu ngawe/ Ungayithatheli ehloko imikhumbulo yabanyeabantu ngawe.
D	'Nakungenzeka ulinge ukwenza into ikwehlule ibuyeletele bewuphumelele.'	4	Buyelela into ekuhlulileko.
E	'Khuthalela bona uzamukele ngendlela ongayo ngombana lokho kuzokunikela isibindi sokwenza into oyifunako kungakhathaleki bonyana abanye bathini.'	5	Yamukela ngendlela odalwe ngayo.
F	'Khumbula-ke ubujamo bakho bomzimba nangendlela oqaleka ngayo kunomthelela omkhulu ekuzithembeni kwakho. Umzimbakho umbathise kuhle.'	6	Tjheja/tlhogomela/nakekela ingaphandle lakho.
G	'Hlala hlangana nabantu abanebonelo phambili ngepilo ngombana nawujayelene nabantu ababalabalako uzokulahlekelwa kuzithemba.'	7	Zibandakanye/zitjhideze/zijayeze ukuphila nabantu abanamabhudango ngepilo.
H	'Ukuzithabulula yinto ehle.'	8	Ukulula umzimba kuyafuneka/ kuyatlhogeka/kuqakathekile.

Inani lamagama asetjenzisweko ama-45

Tjheja: Tshwaya amaphuzu ali-7 kwaphela.

IGRIDI YOKUTSHWAYA ISIRHUNYEZO.

Ukutshwaya kwesirhunyezo kusekufakeni amaphuzu anembako nokutjhiywa kwamaphuzu anganembiko.

Isirhunyezo kumele sitshtwaye ngalendlela:

- Ukwabiwa kwemitlomelo:**

- 7 imitlomelo emaphuzwini ali-7 (Umtlomelo owo-1 kilelo nalelo phuzu eliqakathekileko).
- 3 imitlomelo yelimi.
- Inani loke: 10.

- Ukwabiwa kwemitlomelo yelimi.**

- 1–3 yamaphuzu alungileko: nikela umtlomelo owo-1 welimi.
- 4–5 yamaphuzu alungileko: nikela imitlomelo emi-2 yelimi.
- 6–7 yamaphuzu alungileko: nikela imitlomelo emi-3 yelimi.

(Tshwaya indima engehla ngokutjengisa umutjho oliphuzu ngetshwayo).

- Ukwabiwa kwemitlomelo yelimi lokha umfundi nakadzubhule imitjho njengoba injalo etheksthini:**

- 6–7 yemidzubhulo: **unganikeli** umtlomelo welimi.
- 1–5 yemidzubhulo: nikela umtlomelo owo-1 welimi.

- Ukabalwa kwamagama:**

- Abatshwayi kumele baqinisekise inani lamagama asetjenzisweko.
- Ungaphunguli imitlomelo nangabe ohlolwako akhenge atjengise inani lamagama alisebenzisileko namkha nangabe inani atbole bona ulisebenzisile akusingilo. Nangabe ubude obulindelweko budlulile, funda bewufike emagameni ama-5 bese awusarageli phambili nesirhunyezweso.
- linrhunyezo ezifitjhani kodwana zinawo woke amaphuzu aqakathekileko akukameli zijeziwe.

IMITLOMELO YESIGABA B: 10

ISIGABA C: IZAKHI NEMITHETJHWANA YOKUSETJENZISWA KWELIMI**UMBUZO 3****Ukutshwaywa kwesigaba C****• Ukupeleda:**

- Impendulo ezifuna igama linye kumele zitlonyeliswe nanyana kungakapeledwa kuhle, ngaphandle kobana iphoso eyenziweko itjhugulula okutjhiwo ligamelo/yihlathululo yegamelo.
- Eempendulweni ezimumutjho opheleleko, ukungapeledi kuhle akujeziswe nangabe iimphoso zisesakhiweni selimi elihlolwako.
- Nangabe kuhlolwa isirhunyezo, ipendulo kumele ibe netshwayo elifaneleko (ungci).
- Ukwakheka kwemitjho kumele kukhambelane nehlelo begodu kunikelwe ngemitjho ezeleko njengokutjho komlayo.
- Emibuzweni la kukhethwa ipendulo enembako, yamukela KOKUBILI iledere elikhambisana nependulo engiyo NANYANA ipendulo nayitolwe ngokuzeleko.

- 3.1 - Ubhadela inani elingange R1 000 nawuzitlolisa kokuthoma.
 - Sifundisa abantu abaneminyaka ethoma eli-17 ukuya phezulu.
 - Sitlolisa abaphethe incwadi yokuthoma yokutjhayela.
 (Yinye ipendulo kezingehla.) (1)
- 3.2 Zitholele iincwadi zokutjhayela ngeemveke ezimbili ngentengo kathatha mi! (1)
- 3.3 - Isithombe salokho okukhangiswako siveziwe.
 - Amagama wokudosa abathengi atlolwe ngamagabhadlhela/ngokunzima khulu.
 - Imibandela iveziwe.
 - Igama lendawo ekhangisako liveziwe.
 (Zimbili iimpendulo kezingehla.) (2)
- 3.4 D/Amatjhapha batjhayeli abalandela yoke imithetho yendlela. (2)
- 3.5 Abantu abazokutlolisa kokuthoma bazokubhadela i-R1 000. (2)
- 3.6 Umnikazi weFunda Nathi uthe yena utlolisa abaphethe incwadi yokuthoma yokutjhayela. (2)
- [10]

UMBUZO 4

- 4.1 Ubamkhulu. (1)
- 4.2 Ipumelelo isessandleni sakho. (2)
- 4.3 Umsana- libizo (1)
Wami- bunikazi/ubumnini (1)
- 4.4 Bahlezi phezu kombhedekazi ongaka. (1)
- 4.5 C/Kufanele ulilele isikhathi esidlula kungananto oyenzileko. (2)
- 4.6 Umuntu nakahlalele ukurhudulana neenkhumba uzakusala ekupheleni komnyaka ngombana kubamba ezumako./USorhulu wangipha iiyeleliso ezakhako ngikho ngaphuma phambili eemfundweni zami nje ngombana kuthiwa indlela ibuzwa kwabaphambili.
(Enye nenyi ipendulo ezwakalako izakwamukelwa.) (2)
[10]

UMBUZO 5

- 5.1 5.1.1 Amalwele/amagulo/izifo. (1)
- 5.1.2 Amakhaya amanengi sele aphethwe bentwanyana. (1)
- 5.1.3 Um - sithomo (1)
-hlathi – sisiqu (1)
- 5.1.4 linyoni ezimbili zibetjhwe lilitje. (2)
- 5.1.5 Bona bagada wona. (2)
- 5.1.6 Abentwana badosa emhlweni eemfundweni zabo ngombana banegandelelo lomkhumbulo. (1)
- 5.1.7 Ipambosi yokwenziwa. (1)
- 5.1.8 B/Izinto sezatjhuguluka. (2)
- 5.1.9 Abantu abanzima bakhe badosa emhlweni ngesikhathi sebandlululo kodwana koke lokho sekwaphela nya enarheni yekhethu.
(Enye nenyi ipendulo enembako izakwamukelwa.) (2)

- 5.2 5.2.1 EsiNgisini/English. (1)

5.2.2 Tjhirhweni. (1)

5.2.3 Indoda ikhuphele ngaphandle iinkhwama zayo. (2)

5.2.4 Izolo inyanga kababa gade izokuqinisa umuzi wekhethu.
Ebusuku sikhambeni kamnandi ngombana gade kunenyanga egade
isikhanyisela bona singaweli ngemigodini.
(Enye nenyi ipendulo enembako izakwamukelwa.) (2)

**IMITLOMELO YESIGABA C: 40
INANI LOKE: 80**